



Nuk ka ditë ku veprat e mira janë më të dashura për Allahun sesa këto dhjetë ditë (të dhul hixhes)

Ibn Abasi (Allahu qoftë i kënaqur me të!) tregon se i Dërguari i Allahut ﷺ ka thënë: "Nuk ka ditë ku veprat e mira janë më të dashura për Allahun sesa këto dhjetë ditë (të dhul hixhes)." Të pranishmit e pyetën: "As xihadi në rrugën e Allahut, o i Dërguari i Allahut?!" Profeti ﷺ ua ktheu: "As xihadi në rrugën e Allahut, përveç një burri i cili del me veten dhe pasurinë e tij dhe nuk kthehet me asnjërinë."

[Ky hadith është sahih]

Profeti ﷺ në këtë hadith sqaron se veprat e mira në dhjetëditëshin e parë të muajit dhul hixhe janë më të mira se ditët e tjera të vitit. Sahabët (Allahu qoftë i kënaqur me ta!) e pyetën Profetin ﷺ për xihadin në ditët e tjera përveç këtyre dhjetë ditëve se a është më i mirë apo veprat e mira në këto ditë, sepse tek ata ishte ngulitur se xihadi është prej veprave më të mira. Kështu, Profeti ﷺ iu përgjigj: "Veprat e mira në këto ditë janë më të mira se xihadi në ditët e tjera, përveç atij që del në xihad dhe e rrezikon jetën dhe pasurinë e tij për hir të Allahut, ku dhe e humb pasurinë e shpirti i del për hir të Allahut." Kjo është ajo vepër që ua tejkalon në vlerë veprave të mira në këto ditë të çmuara.

<https://sunnah.global/hadeeth/sq/show/6255>

